

Item pro (de) redditibus dicti officii solvuntur pro feodis non castrensibus Hunoldo de Plettenbract seniori IIII marce de Curte in Hattorpe.

Item filio Anthonii dicti Wreden III. marce.

Item Johanni filio Wolfardi Epprach opidano susatensi VIII. marce.

Item Hermanno Keyss opidano susatensi VI. marce.

Item Conventui in Geseke XXX. solidi.

Item Abbati in Graisehap II. marce.

Summa horum feodorum non Castrensiū XXV. marce VI. solidi.

Item nota, quod Bruno de Buken opidanus susatensis habet molendinum in Stochem juxta Corbeke attinens Archiepiscopo Coloniensi valens annuatim VI. marcas, V. malta siliginis et III. solidos pro porco, et habuit istud bene IX. annis. Nescitur, quo titulo vel quo jure. Si Archiepiscopus jubet Marscalco, resumere molendinum fiet.

Item nota, quod omnes curtes predictae, quae dicuntur Ammetbove, quarum sunt quinque, videlicet Oistinhusen, Borgelen, Hattorpe, Elfedehusen et Gelmene cum mansis in easdem pertinentibus sunt libere ab omni judicio, quod dicitur Gogerychte, Vrigraschap, et quod sibi schulteti de omnibus, quae emergunt, in istis bonis judicant, et ideo ista omnia simul collecta dicuntur unum officium villicationis.

Item nota, quod predictae curtes salvis redditibus antedictis possunt adhuc augmentari per divisionem jurnalium, qui modo dispersi et inutiliter jacent ad L. malta annone annuatim mansure coloniensis; et si hoc committatur Marscalco ipse explebit.

Beilage 36.

Urkunde über das Recht der Wachsinsigen des h. Patroclus zu Soest zwischen den Jahren 1142 und 1160.

Ex Originali.

In nomine Sancte et individue Trinitatis.

Ego Wenneko sosatiensis Ecclesie Decanus cum Godefrido Custode, reliquis Canonis Ecclesie nostre omnibus in Christo fidelibus in perpetuum. Notam esse volumus tam futuris quam presentibus, qualiter homines, qui se in prefata Ecclesia beati Patrocli censuales tradiderunt, jura et legitima sua servaverint, quae ab exordio foundationis ejus habuerunt; sicut etiam Antecessores instituerunt, sic ea per omnem posteritatis successionem

usque in hodiernum diem custodiunt, ac deinceps per omne tempus Deo annuente et beati martiris patrocinio subveniente conservabunt. Sunt quippe in eadem familia plurime cognationes, in quibus singulis, qui senior fuerit, duos nummos vel duos ejusdem precii Cere fundos annuatim ad altare Patroni nostri deferre debebit, ceteris omnibus a conditione debiti hujus liberis permanentibus. Cum vero senior ille obierit, primus etate et consanguinitate ad persolvendum Censum locum ejus obtinebit; pro defuncto autem melius indumentum, quod habuit, ad altare deferatur: sed nullus juniorum vita decedens hac lege tenebitur. Observandum tamen, quod pro femina defuncta de lineis tantum indumentis melius est offerendum. Sciendum est preterea, quod videlicet in tota familia illa rerum suarum donationes facere, uxores ducere et nuptui tradere omnimodam libertatem habebit; nec aliquis Ecclesie Priorum seu Canonicorum per exactionem, que vulgo *Beddemunt* vocatur, ab aliquo quicumque extorquebit. Nec hoc pretereundum est, quod quicumque absque herede, vel absque rerum suarum donatione defunctus fuerit, tota substantia ejus cum omni fidelitate et integritate in ditionem Canonicorum transibit. Nequis autem imposterum institutionem majorum temerari presumat, sed ut perpetualiter inconvulsa permaneat, placuit nobis eam presentis pagine scripto commendare, et Sigillo beati Patrocli insignitam ac roboratam confirmare.

(L. S.)

Das große runde auf die Urkunde festgeheftete Siegel in weißem Wachs stellt den h. Patroklus vor.

Beilage 37.

1262 in Crast. Galli. Auszug des Synodalbeschlusses Bischofs Simon zu Paderborn, die Rechte der Wachsinsigen betr.

Item de cerocensualibus ita sententiatum exstitit, quod juris est, et in omnibus Eccis observatur, quod si vir cerocensualis ducat uxorem sue conditionis dabit pellem hircinam aut unum solidum et stat in arbitrio Domini, quid duxerit eligendum. Si vero duxerit uxorem, que non est sue conditionis, citandus est tribus edictis, et si comparuit dabit quinque solidos, et remanebit in jure suo, si vero non comparuerit jure suo sibi abjudicato perpetuo remanebit servilis conditionis illius Ecce, ejus fuerat cerocensualis, antequam suis exigentibus meritis — jure suo per sententiam privaretur, et eo defuncto Dominus suus tollet hereditatem suam sicut servi.